



Canllaw i ganlyniadau

Bagloriaeth Cymru
Iechyd a Gofal Cymdeithasol / Gofal, Chwarae, Dysgu a Datblygiad
Plant

Ionawr 2022

Cynnwys

1.	Diwrnod y Canlyniadau	3
i)	Casglu Canlyniadau Arholiadau	3
ii)	Beth i'w Ddisgwyl	3
iii)	Sut mae'r Canlyniadau yn cael eu dangos ar y Slip Canlyniadau	3
	Bagloriaeth Cymru	4
	Iechyd a Gofal Cymdeithasol/Gofal, Chwarae, Dysgu a Datblygiad Plant	4
iv)	Symbolau a ddefnyddir ar slip canlyniadau	4
2.	Beth i'w wneud os yw ymgeisydd yn pryderu am ganlyniad?	4
3.	Pryd bydd tystysgrifau ar gael?	5

1. Diwrnod y Canlyniadau

i) Casglu Canlyniadau Arholiadau

Rhaid i ymgeiswyr dderbyn eu canlyniadau arholiadau oddi wrth eu canolfan, fel arfer ar y Diwrnod Canlyniadau swyddogol.

Yn Ionawr 2022, cyhoeddir canlyniadau o 8:00am **ddydd Iau 10 Mawrth**.

Nid yw CBAC yn gallu darparu na thrafod canlyniadau dros y ffôn na drwy gyfathrebu ar e-bost ag ymgeiswyr neu rieni, hyd yn oed os yw'r ysgol neu'r coleg wedi cau. Dylai ymgeiswyr, felly, gadarnhau â'u hysgol neu goleg pryd a ble y bydd canlyniadau ar gael i'w casglu a sut a gyda phwy y gallent drafod unrhyw faterion neu bryderon.

Ni ddylid datgelu canlyniadau i bobl eraill gan gynnwys awdurdodau lleol a'r cyfryngau tan ar ôl 9.30am ar ddiwrnod y canlyniadau perthnasol.

ii) Beth i'w ddisgwyl

Ar Ddiwrnod y Canlyniadau, bydd ymgeiswyr fel arfer yn derbyn darn o bapur gyda'u canlyniadau arno.

Canlyniadau rhagarweiniol yw'r rhain ar hyn o bryd; gellir gwneud newidiadau yn ddiweddarach, yn dilyn adolygiad gan y ganolfan neu apêl, er enghraifft.

iii) Sut mae'r canlyniadau yn cael eu dangos ar slip canlyniadau?

Bagloriaeth Cymru

Bydd slipiau canlyniadau yn dangos canlyniadau ymgeisydd ar gyfer pob cymhwyster a safodd yr ymgeisydd hwnnw yn ystod y gyfres arholiadau honno

Mae'r graddau crynodedol canlynol yn cael eu dyfarnu i'r Heriau Menter a Chyflogadwyedd, Byd-eang a Chymuned ac i'r Project Unigol:

Cenedlaethol/Sylfaen (CA4)	Lefel 1 Llwyddiant (P1)	Lefel 2 Llwyddiant (P2)	Lefel 2 Teilyngdod (M2)	Lefel 2 Rhagoriaeth (D2)
Uwch	Lefel 3 Llwyddiant (P)	Lefel 3 Teilyngdod (M)	Lefel 3 Rhagoriaeth (D)	

Iechyd a Gofal Cymdeithasol/Gofal, Chwarae, Dysgu a Datblygiad Plant

Bydd slipiau canlyniadau yn dangos canlyniadau ymgeisydd ar gyfer pob cymhwyster a safodd yr ymgeisydd hwnnw yn ystod y gyfres arholiadau honno.

Gofal, Chwarae, Dysgu a Datblygiad Plant: Ymarfer a Theori (Lefel 2)

Bydd canlyniadau'n cael eu dangos fel P (Llwyddo) neu F (Methu)

Iechyd a Gofal Cymdeithasol: Egwyddorion a Chyd-destunau (Lefel 2)

Bydd canlyniadau'n cael eu dangos fel Llwyddo, Teilyngdod, Rhagoriaeth. Bydd y canlyniadau sy'n methu â chyrraedd y safon isaf ar gyfer y dyfarniad yn cael eu dangos fel U (annosbarthedig).

iv) **Symbolau a ddefnyddir ar slip canlyniadau**

Yn ogystal â graddau, gall slipiau canlyniadau gynnwys symbolau eraill:

Mae **X** yn dangos nad yw canlyniad yn cael ei gyhoeddi oherwydd absenoldeb yr ymgeisydd ar gyfer pob cydran/uned. Mae'n bosibl hefyd y penderfynwyd peidio â chyhoeddi canlyniad. Ni fydd unrhyw bwnc ag (X) yn ymddangos ar y dystysgrif.

Mae **Q** yn dangos nad yw canlyniad yn cael ei gyhoeddi gan na ddarparwyd gradd.

2. **Beth i'w wneud os yw ymgeisydd yn pryderu am ganlyniad**

Mae'n bwysig bod ymgeiswyr yn trafod unrhyw bryderon â'u hysgol neu goleg, Swyddog Arholiadau neu athro fel arfer, a phenderfynu ar yr opsiynau gorau sydd ar gael.

Os teimlir bod gwall wedi digwydd, gallai'r ganolfan wneud cais am un neu fwy o'r gwasanaethau ar ôl y canlyniadau a gynigir gan CBAC. Ni all ymgeiswyr mewnlol na rhieni wneud cais. Gall ymgeiswyr preifat gysylltu'n uniongyrchol â Gwasanaethau Ar ôl y Canlyniadau CBAC i gyflwyno cais.

Ymhlith y gwasanaethau hyn mae:

- **Dychwelyd sgriptiau** – fersiwn electronig o'r sgript, naill ai fel copi blaenoriaethol cyn gwneud cais am adolygiad o'r marcio neu fel gwasanaeth nad yw'n flaenoriaethol ar gyfer dysgu ac addysgu.
- **Ailwiriad clerigol** – ailwiriad yw hwn o'r holl weithdrefnau clerigol sy'n arwain at gyhoeddi canlyniad.
- **Adolygu'r marcio ar ôl y canlyniadau** – adolygiad o'r marcio gwreiddiol i sicrhau bod y cynllun marcio y cytunwyd arno wedi'i ddefnyddio'n gywir
- **Adolygiad o'r cymedroli ar ôl y canlyniadau** – noder nad yw hwn ar gael ar gyfer ymgeiswyr unigol.

Am fanylion pellach, ewch i'n tudalen [Gwasanaethau ar ôl y Canlyniadau](#) a chyfeiriwch at y wybodaeth a gyhoeddir gan y CGC am weithdrefnau [Gwasanaethau ar ôl y Canlyniadau](#).

Mae'n bwysig nodi y gall marciau aros yr un fath, neu godi neu ostwng, wrth wneud cais am ailwriad clerigol neu adolygiad o farcio. Felly, rhaid i ymgeiswyr lofnodi dogfen yn cydsynio i'r cais cyn i ysgol neu goleg ei gyflwyno.

Bydd y canlyniad yn cael ei gyhoeddi yn uniongyrchol gan CBAC i'r ysgol neu goleg, a byddan nhw wedyn yn trosglwyddo'r wybodaeth i'r ymgeiswyr. **Unwaith y bydd canlyniad wedi'i gyhoeddi, ni ellir adfer y marc gwreiddiol dan unrhyw amgylchiadau, hyd yn oed os yw'r marc newydd yn is na'r marc gwreiddiol**

3. Pryd bydd tystysgrifau ar gael?

Anfonir tystysgrifau i ganolfannau ar **Ddiwedd Mai 2022** ar gyfer Iechyd a Gofal Cymdeithasol a Gofal, Chwarae, Dysgu a Datblygiad Plant.

Nid yw tystysgrifau'n cael eu dyfarnu ar gyfer Heriau Menter a Chyflogadwyedd, Byd-eang a Chymuned a'r Project Unigol Bagloriaeth Cymru.

Dylai ymgeiswyr gadarnhau bod eu manylion personol, enw a dyddiad geni, yn gywir ar y slip canlyniadau a rhoi gwybod i'r Swyddog Arholiadau os oes unrhyw wallau. **Rhaid i Swyddogion Arholiadau hysbysu CBAC am wallau, yn ysgrifenedig, yn ddim hwyrach na dydd Iau 31 Mawrth 2022.** Os nad yw gwallau'n cael eu cywiro ar yr adeg hon, codir tâl am gyfnewid tystysgrifau ar ôl eu cyhoeddi. Dylai ymgeiswyr gadarnhau â'u hysgol neu goleg beth yw'r trefniadau ar gyfer derbyn eu tystysgrifau.